

其用神妙無方得其妙者斯能見諸功用蓋上則有以陰翊
皇度下則有以福被幽明歷代所紀具有明徵朕祇承天序
恭事

上帝惓惓夙夜仰惟

皇考皇妣聖靈在上哀慕無極劬勞大德欲報無由敬遵道教
召天下道士奉建薦揚大齋爾能恪承朕命躬率道衆致其
精虔闡揚寶範用達朕之誠悃靈貺昭答自初至于訖事天
宇澄明凝寒之月雲飈不作和氣冲融瑞景式昭福應斯集
固本于

上帝與朕

道藏輯要

漢天師世家

三

翼集七

皇考皇妣之悅鑒亦爾等敬用朕命以克臻茲朕既嘉賚之仍
賜勅獎諭尙其益精爾道益篤爾行宣揚玄教上以祈福宗
社下以普利生靈汝其懋哉故勅

勅命

永樂二十二年 月 日
之寶

宣德元年

召見

錫宴內殿

推恩申錫嘉號勅

勅正一嗣教大真人張宇清

朕惟立元之道先天地不見其始後天地不見其終根柢羣品神妙萬化然斯本體至清靜無爲故歷代崇獎用弘清靜之治焉我國家重道德之教爾父爾兄咸克祇事旣爾嗣厥職

皇祖太宗皇帝錫之以美號寵之以厚恩至矣爾克篤誠敬用不忝榮命十有餘年繼事

皇考仁宗昭皇帝亦克恭慎朕惟

祖宗之所重也達孝推恩用申錫爾嘉號曰正一嗣教清虛冲素光祖演道崇謙守靜洞立大真人掌天下道教事夫靜者

道藏輯要

漢天師世家

三

翼集七
川名文

道之太謙者德之柄澹以處靜恭以履謙靜斯安安斯一謙斯虛虛斯明簡約而息外驚篤實而有光輝務立之道孰切於茲尙其祇服丕衍宗風懋之哉故勅

加封誥原缺遣太監諭賜祭葬文缺首行

論祭曰惟爾崇修立素志慕清虛徹法錄之科探清微之旨闡揚道範光振宗風祇事

先朝累效勤懇朕纘承大統申錫嘉稱方期瀝乃精誠導迎景貺告歸幾日奄忽長終訃音來聞良用悼歎茲特遣人賜爾祭葬靈爽不昧庶其饗之